

3394.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3394 4° (LN 1203)





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3394 4° (LN 1203)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3394 4° (LN 1203)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3394 4° (LN 1203)

Nº 3394.



W. H. H. H. H. H.

= L. N. 1203

M



NVPTIIS
THOMÆ FINCKII D.
P. M.

ILLVSTRISS: CIMBRORVM
DVCIS PHILIPPI
Medici
ac

SOSTRATAE IVARINAE
Iuari F.

Amici gratulabantur

SLESVVIGÆ
EXCVDEBAT NICOLAVS
VVEGENER.
M D XC.



Ergone nil poterant, Musis gratissime Finck:
 Laus patriæ, medici gloria magna chori:
 Ergone nil poterant opis aut asferre medelæ,
 Quos erat à teneris noscere cura tibi?
 Hippocrates, Celsusq, Paulus & Auicenna, Galenus.
 Nobilitatq, alios quos medicina viros?
 Sic est: nil poterant opis aut asferre medelæ:
 Nec poterant ignes arte leuare tuos:
 Nec poterant licet innumeræ uirtutibus herbæ
 Eximijs celebres: arte opus est alia:
 Arte opus est alia, quam quæ tua docte Machaon:
 Exposcunt aliam vulnera cordis opem.
 Attulit hanc, cui resq, tuas uitamq, solebas
 Commendare pias ingeminando preces.
 Is suspirantis gemitus respexit, et herbam
 Porrexit notam non reor ante tibi.
 En tibi, ait, medice hanc medicinam suscipe nympham:
 Quam decorant pietas, gratia, forma, fides.
 Hæc tibi decreta est multis è millibus una:
 Hæc est: hæc medicas asferet una manus.
 Nec minus illa tuam scio flagitat uisita medelam:
 Illi tu medicus: Sit medica illa tibi.
 Sic medica medicina data est, Deus extitit autor:
 Et medicum reperit saucia Virgo suum.
 Mutua, res mira est, affectio, mutuus ardor:
 Mutua spes, gemitus, mutua cura, quies.
 Gratulor ergo tibi sponse ò doctissime Thoma:
 Quod medicus medicas nactus es ipse manus:
 Gratulor inde tibi sponsa ò lectissima Sostra:
 Quod medica es medicum, res bona, nacta tuum.
 Et nunc sponse tuam curabis suauiter egram:
 Aegrum curabis sponsa venusta tuum:
 Par bene compositum iucundi uiuite: et olim
 Viuite caelestes post pia fata dies,

At tu summe parens, autor qui foederis huius
Tu faustum et felix, quod facis, esse velis.
Hos tua coniunxit quia gratia: gratia seruet
Hos tua: causa omnis gratia sola boni.
Est opus hocce tuum, tua vis, tua certa voluntas:
Non operi poteris sat scio acesse tuo.

M. Iacobus Fabricius Eccle-
siastes & Præpositus Gottorp.

ALIVD.

Ergo diu vastum quæ peruolitauerat orbem
Finckius in vinclis capta tenetur auis:
Quem non Italia, et quem non Germania cepit:
Cepit ad oceanum Virgo pudica latus.
Cepit et in gremio mirando fune ligauit:
Cepit et o gratam sostrata cepit auem.
I nunc et temere captis illude poetis:
Finckius in vinclis cautior hæret auis.
Audieram nostrum coniectum in vincula Thomam:
Horresco. at tacito murmure amicus ait:
Pons metum, nec enim tam vincula dura fuerunt:
Vincula, sed Veneris vincula sponte subit.
Vxorem ducet Venerem, castamq. Mineruam
Vincula & hæc paridi non onerosa forent.
At bene habet, blandis auib. sua vincula profunt:
Hospitibus profunt vincula & illa suis

ALIVD.

2020

2577.
 Ζυζυγία ζυγός ἡδύς ἐστί: καλὰ πολλὰ δίδωσι
 Διττοῖς ὧνδε νόσος ἔσ' συναγέρσῃ ἔρως
 Ζυζυγία ζυγός ἀργαλέος: κακὰ πολλὰ δίδωσι
 Διττοῖς ὧνδε νόσος ἔκ' συναγέρσῃ ἔρως
 Ζοζυγία δὲ ὅπως ὑμῖν ζυγός ἡδύς ἐσοῖτο
 ἐν λείῳ ἔσω φρὴν μία ἔιστε ἔρως.

M. Iohannes Seger Vicarius
 Bardouicensis.

ALIVD.

PECTORE vulnus alis, **THOMA**: sed vulnus amoris,
 Virgo quod in tenero pectore fecit, alis.
 Quære tibi medicum: serò medicina paratur:
 Vulnere cum longis invaluere moris.
 Sed medicos alios, nec non medicamina quære:
 Quam **RHASIS**, aut **MESVE**, quamue **GALENVS** habet.
 Hi licet attulerint cunctas de montibus herbas:
 Sanabunt nulla vulnus amoris ope.
 Quis poterit tantos igitur lenire dolores:
 Nulla sit in medicis cum medicina tuis?
SOSTRATA sola tuos poterit lenire dolores?
 Solaq; languenti ferre salutis opem.
 Hæc ubi te niueis circumdabit una lætæ:
 Atq; columbinis moribus ora premet:
 Continuò toto fugiet de corpore morbus:
 Protinus, æger eras qui modo, sanus eris.
 Tolle moras igitur: nocuit mora semper amor:
 Sunt morbis minimæ, maxima damna moræ.
 At si, quam tulerit nisi **SOSTRATA**, fortè salutem,
 Non erit ulla salus: non erit ulla salus,
 Haud etenim volet illa preces audire, rogata:
 Aure tuas surda sed bibet illa preces:

A 3

Posses

Posses, si vellet: nolit, cum possit, opinor:
 Te magis ut cruciet: subleuet atq; minus!
 Non ita. sed faciet: tibi spondeo: femina namq;
 Aut amat, aut odit: tertia nulla via.
 Ast hæc certa sui dedit argumenta fauoris:
 Velle iuuare scio: posse iuuare puto.
 Nam quod vulnus habes, habet hæc quoq;: compare flamma,
 Et simili telo saucia corda gerit.
 Ergo lubens aliqua morbi te parte leuabit:
 Alternasq; volet sustinuisse vices.
 Nam si quæ fecit tibi vulnera, vulnera sanet
 SOSTRATA: te sospes sospite semper erit.
 Tu modo tu votis illam superasse labora:
 Si te fata trahunt, hanc quoq; vota trahent.
 Quod si forte neget, bene spera. Nempe quod hora
 Matutina negat: Vespera sponte dabit.
 O genium, genium magno vel Apolline dignum!
 O admirandum Virginis ingenium!
 Hæc eadem vulnus facit: & medicamina præstat!
 Ex uno morbus fonte salusq; fluit:
 O dextram medicam, quæ tam sit docta mederi:
 Hanc medico dignam quis neget esse viro?

ALIUD.

Esse quid hoc dicam, mi frater: tunc sororem
 Legitimo iungis sponsus amore tibi:
 Nec te deterret ius & consuetudo, pudorq;
 Nec bene facta DEUS qui videt atq; malè:
 DÏS erat hoc licitum: sed non mortalibus, ergo.
 Pulsus in exilium dicitur esse CIMON.
 Num peccas igitur, peccas & ducendo sororem:
 Aoniÿ THOMA fama decusq; chori:
 Non, non: crede mihi, peccas sed jure SOROREM
 Legitimo iungis sponsus amore tibi.

Nam

2517.
 Nam quod fata volunt, sic fiat oportet: amorem
 Conciliat caelum, non nisi castus amor.
 Iunctus es ergo volens, fatoque volente, SORORI:
 Illa volens fato iuncta volente tibi.
 Quos æther junxit, tellus disjungere tentet:
 Seu fiet hic frater; seu fiet illa soror:
 Non puto sed fato, fato connubia fiunt:
 Quæ fato venit copula, sancta venit.
 Felices ergo, tali vir virgine: tali
 Virgo viro: quamvis frater hic, illa soror.
 Ne dubites: aderit vestro DEUS æquus amori:
 Cum fati juncti sitis uterque Dei.
 Hic est, hic, primos qui sub juga duxit amantes:
 Hic una geminos vivere carne jubet.
 Hic facit, ut plantis vitæ sint signa jugalis:
 Nam pendens ulmo vitis, imago thori est.
 Non bene stat viduo vitis quæ nascitur agro:
 Nec jacet in viduo sat bene virgo thoro:
 Ulmus amat vitem: vitis sed pendet ab ulmo:
 Id bene cum sciret, vos bene junxit AMOR:
 Ast non junxit AMOR fœdus: face cinctus, & arcu:
 Iunxit ab æthereo numine missus AMOR.
 Æthereum numen, num nomen inane putamus:
 Numine cepit opus: numine cedit opus.
 Tu modo ceu ulmus vitem complectere: vitis,
 Pendeat à collo SOSTRATA cara tuo.
 Te colat ut patrem: redames hanc, matris ad instar:
 Sis illi frater: sit soror illa tibi:
 Sit soror & conjunx, vita tibi dulcior ipsa:
 Aut si quid vita dulcius esse potest.
 Par bene compositum, jucundam vivite vitam:
 Et superet Pyllos vestra propagodias.
 Concordes Titan, concordēs Delia cernat:
 Quos ita concordī junxit amore DEUS.

Et pueri separant e

Vna

Vna fides vobis : mens vna : sit vna voluntas :
Mutetur nullo tempore vester Amor.
Quid loquor : huius ignosce mihi : mea dicta recanto :
Mutatur nullo tempore verus Amor.

ALIVD DE NOMINE SPONSÆ.

SOSTRATA IVARI

Anagrammat :

ROSA STAT IVARI

QVæ modò floruerant, viden ut perière roseta :
Sola sed IVARI STAT generosa ROSA.
Omen id est THOMA cum sit rosa grata rosarum :
Cum flos sit florum SOSTRATA cara tibi :
SOSTRATA perpetuò floret : florebit et ipsa :
Seu Ver, seu AEstas, seu tibi currat Hyems.
Semper habes, quod ames : quod amas, te semper amabit :
Et pariet tibi, quod semper amare queas.
Nempe rosas multas, pariet tibi lilia multa :
Lilia filiolos, filiolasq, rosas.
O te fœlicem, quæ te noua gaudia tangent :
Talìa cum cernes pignora conjugij :
Est lectus, luctus : sunt grandia tœdia, tœdæ :
Est graue conjugium, quin, sine prole, iugum.
Ergo GERES agros, hortas POMONA venustet :
At generet pulchras SOSTRATA pulchra rosas.
Quid fore crediderim tibi vel iucundius unquam :
Quid magis acceptum : vel quid amabilius :
Dulce quidem germen, fructus sed dulcior ipse
Conjugij : fœlix quem satur usus alit :
Et te fœlicem, THOMA : cui cernere germen
Nunc datur : at fructus cernere mox dabitur,

Verba

3374.
Verba sed hæc, inquis, sunt somnia. somnia sunt:
Interdum magnum somnia pondus habent.
Eveniant igitur si somnia: credere fas est:
Si non eveniant: credere velle nefas.
Evenient autem. dixit mihi namq, futurum
Vates, num vates dicere falsa solent?
Tu modò tu lætus, THOMA, cole læta rosæta:
Irrita, crede mihi, non mea dicta cadent.
An non hanc sortem tibi gratuler, optime THOMA:
Sorte licet multum discrepet illa mea?
Gratulator hanc certè: mecum gratantur eidem,
Cum pueris juvenes, cum senibusq, viri.
O quam, post varios vitæq, viæq, labores,
In medijs tandem dulce quiesse rosis.

ALIVD.

ECquid adhuc duplici correptus febre laboras,
O animæ, THOMAS, viua medulla mea?
Est amor ignis edax: est ignis febris anhelæ:
At te torret amor: torret et ipsa febris.
Quid tibi vis gemina, frater carissime, flamma?
Vnus num contra moveris arma duos?
Non tibi consultum: noli pugnare duobus:
Discedat membris ille, vel illa, tuis.
Quid facies igitur? flammæ exstinguito flammis:
Quam malè te febris, tam benè torret amor.
Nam major ceu lux obfuscet luce minorem:
Ætheris ut nostro grandior igne flagrat.
Sic febris ardorem, calidi vis vincit amoris:
Ignis hic est igitur major: at ille minor.
Ergo minor cedat majori: febris amanti
Cedat: et in membris flagret hic usq, tuis:
Flagret: & ardentes etiamnum duplicet æstus:
Seruet inextinctas ut tibi corde faces.

B

Sed

Sed simul in sponse, sponse flagret ille medullis?
Mutuus ut sponsam torreat igne calor.
Hoc jus, hoc fas est: flammam quæ moverit in te,
Hanc tecum flammam participare parem.

Idyllion de Fringilla.

Fringillam audierat, maternis fortè sub hortis,
Virgo decens forma: virgo pudore decens.
Dum sedet, & cantu secum fritinnit amæno:
Carmines cara Deo: carmine cara Duci:
Cepit avem, niveis virgo complexa lacertis:
Atq; sibi propriam deniq; fecit avem.
Quid faceret? pugnet blanda quis virgine pugnet?
Non decet ingenuas ungue notare genas.
Finckius ergo volens captus, sed virgine captus,
Fit victus subito: qui modò victor erat.
Cur ita? pugnabat, tanquam qui vincere nollet:
Callidus o causæ proditor ipse suæ.
Hæc illum, hic illam cepit, complexibus artis:
Sic grato vincolo victus utraq; fuit.
At miserum est, vinclis victum servire puellæ:
Ingenuus genius vincula serua fugit.
Quid vero miserum? fatumne beatius ullum:
Quam tali volucrem virgine posse capi?
In re quæ placeat tibi, si sis servus oportet:
Quid tum? liberius nuncubi servitium?
At nec servus eris. Servus, qui serviât, esto:
Si tibi sis Dominus: non puto servus eris.
Iuris es ipse tui: nil cogeris: accipit illa,
Quod das sponte tua: Iuris & ipsa sui.
Ergo haud dedecori, tibi sunt sed vincla decori:
Vincas, vincaris: sat scio, victor eris.
Talibus haud igitur, Fincki, te vivere vinclis
Sit graue: non adeo nam graue pondus erunt.

Sed

3377.
Sed nec pondus erunt. Onus est sine lege reuinctus,
Non onus est, sed honos; lege reuinctus amor.
O fœlix virgo, tam suavem nocte volucrum:
Quæ releuet curas nocte dieq; tuas.
O fœlix Fincki, vinclis qui virginis hæres:
Sic tamen; ut vinclis hæreat illa tuis.
Ambo fœlices, fœlicem vivite vitam:
Exemplum læti nobile conjugij:
Vivite turturibus similes, sic pectore juncti:
Ut nihil in terris junctius esse queat.
Nam fatum vincolo quos vinxit firmiter uno:
Hos, præter fatum, soluat in orbe nihil.

M. Paulus Sperling, Rector
Scholæ Flensburgensis.

ALIVD.

ECquid laurigeræ uouem Sorores
Quæis æterna comes fuit sacrata
Fides intemerata castitatis,
Bellè conueniunt et uni et eidem
Per nouem caput extulisse Musas
Et flammæ rapere intimis medullis
An quæ præsidet artibus Minerua
Vnquam signa Cupidinis sequuta est
Bellè hæc conueniunt et uni et eidem:
Insomnes operosa namq; noctes,
Et duros studia exigunt labores,
Quorum præmia ni forent parata,
Et solamina recreationum,
Num quis Hesperidum subiret hortos,

B 2

Mala

3
Mala peruigili auferens Draconi,
Vel casus alios periculorum?
Nimirum hoc animis onus repositum
Sat durum hactenus, ô beate Musis
FINCKI, qui retines habesq; clarus
Summos iudicio potente honores,
Iuste si prius hos petiuit ullus
Iuste tu gaudes tibi tributis.
Quin et sollicito labore fesso,
En solatiolum tibi laboris,
En solatiolum tibi doloris,
Mille quæ tibi recreationum,
Et tot mille datura basiorum,
Dum dulce os oculosq; suauiaris:
Bellè hæc conueniunt & uni & eidem:
Hos tu nuper amabiles amores
Terens in gremio, unice ô ocelle,
Inquis, perditè amo, atq; amare porro
Te sum perpetuos paratus annos.
Quin si fata Dei volent benigni
Vt lecti sociam petam iugalis,
Te lecti sociam petam iugalis.
Dixti, quum subito Dei voluntas
Dextram subdidit adprobationem.
At toto pudibunda virgo vultu
Te fulgentibus intuens ocellis.
Et comptum leuiter caput reflectens,
Sic inquit: mea vita, quod parentes
Hic nostri statuent, pie sequamur,
Et tibi Domino usq; seruiamus:
Hæc ut dicta dedit, Dei voluntas
Dextram subdidit adprobationem.
Nunc flammam auspicio nouo auspicali,
Mutuis animis amant, amantur:

Vnam

Vnam Sponsus amore amabilem vnus,
 Vnum Socrata vult et vna Sponsum,
 Vni nupta nouo nouella sponso
 Dabit delicias cupidinesq;
 Mordaces animi leuansq; curas,
 Cum desiderio sui nitente.
 Belle conueniunt et vni et eidem
 Per nouem caput extulisse Musas,
 Et flammam rapere intimis medullis.
 At tibi hendecasyllabis minutis
 Hæc solamina recreationum,
 Sponse, castalidum decus sororum,
 Grator ex animo precorq; fausta:
 Vt tibi benè sit beate Sponse,
 Et tibi benè sit beata Sponsa.

Πρόβλημα.

Queritur: an præstet formosam ducere et an omnia
 Formæ indigentem Virginem præstantiæ?
 Sunt, quibus hoc tutum magis est: quod splendida mille
 Iuueni modis infesta forma appareat:
 Non rarò inuitum in cæcum protrudat amorem:
 Intemperatam concitet libidinem:
 Mentiq; ingentes curas ferat infelici:
 Ni sæpè ad impium furendi quam modum
 Sollicitet. nec enim aureolam spectabis inultus
 Comam, quæ edaci seuit igni fortius;
 Ecce et distantes potis est accendere visa;
 Cum vera semper postulet tactum vstio.
 Nec te perpetuo pascet viden omnia in horas
 Mutarier, blandumq; non consistere
 Florem, letifera febri, curuaq; senecta
 Instantibus et quæ ubi hispidam celerrimè

C 3

Fecerunt

Fecerunt faciem, atq; albo pallore notarunt,
 Friget Venus; quæ pulchra te oblectauerat.
 Quamuis hoc etiam deformibus accidat: esto:
 Antiquum at obtinetur hic tamen: quia
 Principio minimè formam spectabat amator:
 Quis pallidam curuamue ergo propelleret?
 Sæpè procos mendax decepit fucus, apertè
 Quem delicatam somniant purpuram.
 Quod postquam edocti sunt experientia; iniqua
 Cum fœmina diem terunt miserrimi.
 Interdum non est (fateor) fallacia, quando
 Natiua resplendet coma, & viuus color.
 Sed tunc se nulli nimium fecisse sodalem
 Oportet, aut priuata fiunt publica.
 Sunt qui luciferæ propugnant sarta Dianæ,
 Et Cypriæ coruscum Virginis iubar:
 Quod magno vultus sit lacteus ornamento
 Puellulæ: ceu robur imprimis viro:
 Quod mirè oblectet cunctos Venus aurea sensus:
 Sint corporis bona, forma, vires, sanitas:
 Sit suauissima Dijs: longè gratissima mundo:
 Nunquam molesta possidenti: cui libet
 Obuia: diues amicorum: peramabilis in se.
 Ne dixerim, nodos capillorum aureos
 Aetherea ex anima descendere, quam nequeat quis
 Graues nisi pœnas daturus temnere.
 Quid verò facias? Noster quod FINCKIUS, ille
 Hanc SOSTRATAM ludens prebendit dextera
 Nympham, quæ Charites læto splendore decentes
 Adumbrat, & viuiam refert imaginem
 Icaridos. (siquidem in teneris consuevit honestæ
 Studere vitæ, patre laudatissimo
 Edita) sic equidem nitidam concedit adire
 Pie & modeste Virginem; sed splendidam


Virtu-

*Virtutum cultu quoq̃: nē quem forma moleſtet,
 Quæ ſola cui donata ſemper obſuit.
 Eſt quoq̃ vir tali dignus ſpectabilis arte
 Multa, & ſacri phæbi propago aptiſſima.
 O ego non felix, ſi nigræ vellera lanæ
 Delambo; dum Hyblæis licet roſis frui.*

Εὐφροῖα.

*Sponſis coniugium precor
 A quouis uacuum turbine: ut hinc diu
 Vitæ participes ſuæ,
 Optatis repleant filioliſ domum.*

Andreas Lonnerus.



3377.